

《蘋果》引述人蛇父 無憑無據質疑港警與內地串通 警嚴正澄清：「賣豬仔」指控失實

黃媒《蘋果日報》又造謠。該報昨日報道引述12名因偷越國（邊）境被內地刑事拘留的其中一人的父親，指香港警方其實早已掌握其子的通話記錄，質疑警方將12名港人「賣豬仔」給內地執法機關。香港警方昨日嚴正澄清有關指控失實，對此表示遺憾。警方並強調有關內地的執法行動與香港警方無關，水警雷達記錄亦無顯示內地海警船進入香港水域，即不存在所謂的內地公安跨境執法。

■香港文匯報記者 蕭景源

警方昨日指，8月28日循相互通報機制，接獲內地執法部門通報，於同月23日在內地水域拘捕12名港人，涉嫌非法入境內地（偷越國（邊）境罪），內地執法部門正依法處理。香港警方在接獲有關通報後，即時通知被捕人士家屬，並向家屬提供向特區政府求助的渠道。相關部門會繼續與當事人家屬保持緊密聯繫，跟進事件，以提供適切協助。香港警方亦正積極與內地執法部門聯絡，了解案件進度，適時作出跟進。

未發現海警船進港水域

警方又指，因應公眾關注，水警指揮及控制中心在接獲內地執法部門通報後，曾檢視8月23日上午的航行監察系統記錄，未有發現任何內地海警船進入或停留本港水域，當天上午亦未有接獲任何上述報告或市民求助。至於水警輪的日常調配，就涉及行動細節不宜公開。

對於黃媒《蘋果日報》昨日報道指，12名被內地執法部門拘留的其中一人的父親，曾於8月26日向警方報案指其兒子失蹤，並引述該名父親指香港警方其實早

已掌握其子的通話記錄，質疑警方是故意將12名港人「賣豬仔」給內地執法機關一事，警方對此作出嚴正澄清，強調有關指控失實。

警從未掌握通話記錄

警方確認在8月26日深夜，曾有一名男子往荃灣警署報案，並向警方報稱其子在同年23日離開住所，聲稱會與朋友釣魚數天，但之後便與其子失去聯絡。該名男子在報案期間，向警員提供其子的電話號碼，而警員在他的同意和見證下，即場以手提電話輸入其子的電話號碼，以查看其子的通訊應用程式（WhatsApp）的最後上線時間和動態更新，以作出初步調查。

警方重申，在上述事件中警方從來沒有索取或掌握報案人兒子的通話記錄，報案人若對警方當日的處理有任何誤會，歡迎隨時與警方聯絡。

此外，灣仔警署昨日接獲一名女子報案，指有6名港人被內地執法機關拘留，報案人要求警方提供協助。

案件列作「求警協助」，由灣仔警區重案組跟進，並正聯絡相關人士錄取口供。

攬炒派鬧警又報警

網民譏自相矛盾



■「政治大審判」製圖揶揄攬炒派。

「政治大審判」fb圖片

梁振英：炒作「12 瞞逃」或變「釘書健2.0」

香港文匯報訊（記者 鄭治祖）12名潛逃離港的港人早前非法入境內地司法管轄區，被廣東海警截獲，攬炒派隨即炒作事件，大肆造謠。全國政協副主席梁振英昨日在facebook發帖，指攬炒派的陰謀論只會害了12人的一眾家屬，使事件成為「林子健的悲劇加辣版」。他又強烈建議警隊要去法庭起訴就事件造謠誹謗警方的人，「因為太無法無天。」

梁振英昨日以「林子健的悲劇加辣版」為題發帖，認為攬炒派利用12人蛇作出的陰謀論，就如民主黨林子健當年訛稱自己被人在鬧市擄打，抹黑「一地兩檢」，惟當時這鬧劇「害的是（林子健）自己的玉

腿和民主黨的聲譽」，而近日攬炒派上演的「17減5鬧劇」，即只炒作12港人一事，卻不理5名「手足」被台灣當局扣留，是「害了一眾家人」。

有見攬炒派常順口開河大講陰謀論，梁振英推斷出9個可能出現的版本，例如「12人其實是被美國海軍擄走，交給中國，交換了一萬二千噸大豆的訂單」，「12人其實是被台灣方面擄走交給廣東，因為5個人已經夠麻煩，再多12個不得了」等，他更揶揄攬炒派立法會議員、民主黨涂謹申及「議會陣線」朱凱迪若耍「抄橋」，「請付我知識產權費，反正大台有的是錢。」

網議政事

攬炒派成日惡人先告狀，但就自相矛盾、理據欠奉。好似攬炒派立法會議員朱凱迪、「獨」人鄭家成日前就搵埋班12人蛇家屬做騷，走咗去灣仔警察總部報警，要求香港警察「調查」事件㗎。facebook專頁「政治大審判」噶日就出post揶揄：「成日話左手查右手睇×氣，但『販民』一面鬧班差佬係『黑警』，一面搵差佬拎證據，係咪笑話㗎？」

攬炒派同「黃媒」近日不停就12人蛇事件造謠。警方已經發聲明強調，已檢視當日上午嘅航行監察系統記錄，確認有任何內地海警船進入香港水域，並澄清行動同香港警方無關。不過，攬炒派就繼續炒作，包括要警方拎證據出嚟㗎。

「政治大審判」噶日就開post話：「攞唔出記錄就話你隱瞞，攞得出記錄就話你造假，想點呀？成日話左手查右手睇×氣，但販民一面鬧班差佬係『黑警』，一面搵差佬拎證據，係咪笑話㗎？與其係咁點解唔叫靈童黃之井（黃之鋒）搵美國佬拎gps定位出嚟？」

唔少網民都覺得「黃絲」根本就自相矛盾，不可理喻。「Tszon Chan」就話：「唔信差佬又要差佬幫係咩玩法，的（啲）『假家屬』表現出色。」「Yan de Rafael」都話：「點解不是（譴責）叫你上船的人『賣豬仔』？反而是（質疑）禁止（被捕手足）離境、定期報到的警察？其實班無驗DNA（核酸）的家人明明『賣豬仔』點解的？」

■香港文匯報記者 黃書蘭

倡警方起訴誹謗者

另外，有12名港人中，其中一人的父親向報章「質疑」警方將12名港人「賣豬仔」給內地執法機關，昨日警方嚴正澄清失實指控。梁振英在另一帖文指出：「警方的及時澄清很有必要。因為別有用心的人，刻意指鹿為馬：『太子站死人』、『新屋嶺強姦』、『爆眼女』等等都是教訓。」

梁振英並強烈建議政府部門，包括警隊去法庭起訴誹謗者，「英國法庭指政府部門不能就誹謗興訟，我們在香港不能跟從，因為太無法無天。」

疑獲鄺俊宇「照住」「黃店」阻街無人查

攬炒派把持住區議會後係咩世界？「元朗監察議會聯盟」日前就發現「黃店」豪記蔬果嘅貨品擺咗出街，又涉嫌僱建，而呢間舖同鴿黨（民主黨）元朗區議員鄺俊宇有千絲萬縷聯繫，佢哋曾力挺鄺俊宇安排嘅活動，被質疑係咪因為有鄺俊宇「照住」，所以就橫行霸道。香港文匯報記者嘅晚向鄺俊宇查詢，但佢就有覆，不過噏記者查詢訊息發出去有耐，暴露鄺俊宇同豪記蔬果關係嘅帖文內容就被人刪除咗，之後過咗一陣又加返，點解又會咁咁彈弓手呢？

「元朗監察議會聯盟」噶日嘅facebook發帖話：「立法會議員收足保護費，『黃店』擺明僱建同阻街，食環同地政唔敢執法！」個post仲附上豪記蔬果嘅貨品霸街道同涉嫌僱建嘅相。

鄺拒覆求證「黃店」即改帖

點解鄺俊宇同間「黃店」有關呢？事源鄺俊宇議員辦事處，「到家元朗」、「初見 First Sight_HK」近日搞咗個活動，探訪家庭派福袋，「到家元朗」上周六就出post宣傳件事，



▲「到家元朗」鬼祟改帖。「到家元朗」fb截圖
►「元朗監察議會聯盟」製圖質疑鄺俊宇。
「元朗監察議會聯盟」fb圖片

仲專登話「多謝豪記蔬果，令福袋更錦上添花更完滿」。

香港文匯報記者嘅晚8點35分向鄺俊宇查詢件事，但就未有回覆，不過記者條訊息發出去15分鐘後，「到家元朗」就靜雞雞編輯咗個post，保留鄺俊宇相關內容，但就刪咗豪記蔬



果，隔咗有耐又彈弓手加返，唔知點解佢哋要彈出彈入呢？

網民「藍火火」就事論事，覺得豪記蔬果「擺得好難普（譜）下（吓）」。「趙四」就好鬻：「有黃氣照住，又有癩（廢）官頂住，市民只有谷×氣。」

■香港文匯報記者 文根茂

張崑陽着草海外「熱狗」譏戰勝恐懼

攬炒派成日都雷聲大雨點小，聲稱要搞所謂「國際戰線」同「議會戰線」，又以「反共反華」為目標，但一見香港國安法實施後就一個二個咁着草。網名「陳到」嘅「熱狗」黃敬業，日前就搵返「民間外交網絡」前發言人張崑陽之前嘅小巴上登嘅「以行動戰勝恐懼」廣告，恥笑佢所謂嘅「行動」就係着草。有網民都話：「完全駁唔到。」

有案在身嘅張崑陽日前缺席聆訊，亦有聘法律代表出庭，之後證實佢已經係8月14日潛逃離港。走到外國逍遙法外嘅張崑陽仲要擺尾彩，日前出post話自己係為咗「人身安全」，又話自己有「鄉愁」，好掛住香港，希望終有一日「能昂首歸來」，這

片土地」㗎。

張崑陽同時將自己講到咁「偉大」同「委屈」，令黃敬業日前都忍唔住喺fb搵返佢嘅小巴上登嘅「以行動戰勝恐懼」廣告，並附文「以行動（着草）戰勝恐懼」，恥笑張崑陽嘅「抗爭」得個講字，實際上就係心虛加自知理虧。

網民見到都笑咗，再次感慨政棍光速轉身。「Archer Chan」話：「今日仲見到佢既（嘅）小巴廣告，何其諷刺。」「YinKong Lee」表示：「完全駁唔到。」「Si Si」挖苦：「的確，著（着）咗草就可以唔駛（使）驚。」

「Cheung Lung Lam」揶揄：「都未吹雞眾籌眾，籌理何止唔恐懼，直頭滿足！」

■香港文匯報記者 郭家好



■「陳到」搵返張崑陽之前嘅小巴廣告，恥笑佢「以行動（着草）戰勝恐懼」。「陳到」fb截圖

網議政事

攬炒派立法會議員到底應該延任定執包袱，有關嘅「自己人民調」噶日開展。咁隆重又有象徵意義嘅事，「藍絲」都有去踩場，反而係佢哋班「手足」唔多撐，啲「抗爭派」紛紛上民主黨同公民黨facebook狠斥班「老飯民」：「拒絕一切委任！入去你準備定滅黨啦，政棍！」

民主黨噶日嘅fb專頁發帖宣布民調開始，仲話：「冀望民調結果出爐後，不論是走是留，民主黨派兩陣營彼此都可放下爭拗，繼續合作。」公民黨亦話：「無論最終結果如何，我們希望主留與杯葛兩陣營能夠為香港團結一致。」

質疑硬要延任只為錢

不過，佢哋嘅「手足」就睇嚟唔多撐啦，鬧到兩黨狗血淋頭。民主黨方面，網民「何卓賢」就

鬧：「其實你班議員係為左（咗）錢咪認左（咗）佢囉，唔好諗咁多藉口擺光環啦！食相好難睇好虛偽！」「Alice Law」就認為鴿黨擺民意上枱唔啱：「其實留低你們會做到實則（質）的作為咩……話在議會阻呢個議程、那個議程？但能阻到咩？議會保安你們都敵不過，何況（況）今次呢個議會係臨時，睇唔到留低有何用？可能有份可觀收入，不用擺民意上枱用作留低。」

公民黨方面，網民「Kennedy Ho」就話：「拒絕一切委任！入去你準備定滅黨啦，政棍！」「Martinho Virgilo Valentino」就直斥公民黨自相矛盾：「留守（非法）議會又係你地（嘅），叫立刻選舉又係你地（嘅）」

雖然「抗爭派」落力想來走傳統「飯民」，但都有傳統「飯民」支持者繼續力撐延任。「Nova Chung」就叫民主黨唔使驚咗有眼光嘅選民：「點解做咁多無謂嘢，當年民主黨俾人鬧超區方案都照推，宜（嘅）家咪證明你哋當年決定正確，真係唔駛（使）理民意㗎，你哋覺得咁就係，呢啲位係你哋作為議員先會有眼光決定嘅嘢，拜託（託）唔好好似當年領匯咁因為怕咗選民而聽民意結果搞死香港人。」

「Fiona Wong」亦話：「睇完辯論，延任嘅（係）理性愛香港愛市民嘅選擇，支持延任！」其實社會各界一早咪就係咁講囉，叫大家好好延任、認真履職，係班傳統「飯民」自己要跳草裙舞，一直扭扭擰擰，搞到自己醜態百出㗎。

■香港文匯報記者 黃書蘭



■公民黨又話傾向留任，又話服膺民調結果。公民黨fb截圖